

南開大學中國社會史研究中心資料叢刊

近代世界地理志

24



鳳凰出版社

南開大學中國社會史研究中心資料叢刊

近代世界地理志

24



鳳凰出版社

第二十四冊

中外地理大全（第十一版）
（二）
陶履恭 楊文洵 編譯
中華書局
民國二十三年……………一

第十一版

中外地理大全

(二)

陶履恭 楊文洵 編譯

中華書局

民國二十三年

1.5

1.5

1.5

1.5

1.5

1.5

1.5

第五章 中區

第一節 揚子江流域總說

【特質】 所謂中區者。即指揚子江流域。在南北兩區之中央。物產極豐富。人口亦最多。實全國中最重要之地也。其特質如左。

(一) 中區交通之動脈。當推揚子江。兩岸支流。與之互相連絡。水運極便。有所謂南船之稱。加之水利之大。故各種物產。運輸頗廣。貿易交通之盛。均非他處所可比。

(二) 氣候溫和。既不若北區之嚴寒。又不似南區之酷熱。雖然。夏季溫度則較北區爲高。兼之空氣潤濕。故不免有害健康。冬季不甚寒冷。河水殆不結冰。雪亦無多。六七月之交。爲雨季。謂之梅雨。

(三) 物產以米、茶葉、棉花爲最多。麥、豆次之。雜糧甚少。甘蔗雖亦有之。而不及南方之多。蠶業南區之廣東、及北區之山東、直隸、河南等省。雖亦行之。而要以此區爲最。礦物雖不若南區及北區之多。其產額之巨。已不可侮。如四川、湖南、湖北、江西、安徽各省。皆不乏煤、鐵、豐富之鑛山。

(四) 富大湖澤。南北區皆未見其比。如洞庭湖、鄱陽湖、太湖、洪澤湖、巢湖等。皆中國內地有數之大湖也。

(五)製造業之盛。冠於全國。如江蘇浙江之絲及綢緞。江西之瓷器、夏布。安徽之紙、墨及藍靛。湖北之棉布、鐵器。四川之綢緞、墨、蠟、藍靛及油等。浙江之紹興酒。皆甚著名。

(六)有最富裕之都會。就中關爲通商場者。則有上海、吳縣(蘇州)、丹徒(鎮江)、江寧(南京)、杭縣(杭州)、鄞縣(寧波)、永嘉(温州)、蕪湖、九江、漢口、岳陽(岳州)、沙市、宜昌、長沙、湘潭、常德、巴縣(重慶)等處。

【屬於中區之各省】 有四川、湖南、湖北、江西、安徽、江蘇、浙江七省。由山脈、河流、氣候、物產、風俗、言語之點。從嚴格而言。則江蘇、安徽二省北部之淮河及舊黃河流域。當屬於北區。雲南、貴州二省北部之在揚子江流域者。則有屬於中區之性質。茲本於政治上區劃。故以七省屬於中區。

【地質】 北區雖爲特著黃土。在中區則不過占一極小部分。惟江蘇、安徽二省北部見之。其他部分。多爲沙岩層或石灰岩層。高原地方。沙岩層尤多。沖積層之地。在西方則有四川中部之赤沙岩平原。至東方各處。皆有沖積層大平原。其中如湖南、湖北、安徽、江蘇各省。且有若干大湖。其湖多如遺跡湖。在古代面積水量。必視今爲大。幾經年月。漸次淤塞。沿邊成爲平地。而湖面日見縮小。遂形成今日之狀態。故湖畔雖多廣大之沖積層平原。其低濕部分。猶有成爲沼澤者。各湖皆有尾閘。或通於揚子江。或通於他水。由此而注於海。惟揚子江

漲水時。不特湖水不能洩之於江。各湖且須爲揚子江之尾閘。以洩江水。故揚子江氾濫之災甚少。亦無須設堤以防之。但見其附近低地。溝洫縱橫。以疏通水勢。勿使浸溢。兼便於交通耳。

【山誌】 中區南北二面較高。中央低下。有揚子江橫焉。沿江有盆地數區。互相連續。言其山脈。則有西傾山。岷山。大巴山。伏牛山。木陵山等。爲北方屏障。南方有雲南。貴州。廣西之三大高原。其上有南嶺橫焉。延長於福建。浙江二省之西方。成爲仙霞嶺山脈。此山脈西方根基雖高。漸東漸低。脈中主要各山。在雲南。貴州二省。曰苗嶺山脈。由湖南。廣西二省間至廣東。江西二省間之部分。曰大庾嶺山脈。由此二山脈分歧而出之山脈不少。其詳容於各省之部述之。

【氣候】 中區氣候不如北區之冷烈。雖極隆冬。溫度降至華氏十四度以下之時甚尠。惟夏季溫度頗高。盛夏常昇至華氏九十度以上。間有昇至百零四度之時。且因空氣潤濕。不適於身體。非如北區之高燥宜人。而江蘇省以距海較近。境內又多江河湖沼。溝渠。空氣尤潤濕。漸西濕度漸減。至安徽。湖北。湖南三省。亦因多江河湖沼。空氣尙不免潤濕。四川亦然。因受孟加拉灣之水蒸汽故也。雨量較多於北區。夏初與秋季。尤爲多雨之季。夏時且多雷雨。朔風除江蘇。安徽二省北部外。則概未之見。

【水誌】 中區之河流。多直接或間接通於揚子江。揚子江實可謂之大動脈。其本流已詳述於總論。支流有岷江嘉陵江烏江。貫流於四川省。漢水貫流於湖北省。湘江沅江資江澧江。貫流於湖南省。贛江貫流於江西省。其他又有浙江省之浙江。江蘇省之黃浦江等。皆詳述於所在各省。茲略之。

【交通】 揚子江兩岸。河道縱橫如織。所有通都大邑。無不以船爲交通機關。用車輛及牲口者。祇有江蘇安徽二省之北部耳。小車雖亦有之。其數則不及北方各省之多。大都會近來亦有馬車及東洋車。鐵路。漢口北京間。則有京漢鐵路。天津浦口間。則有津浦鐵路。南京上海間。則有滬寧鐵路。上海寧波間。則有滬杭甬鐵路。上海吳淞間。則有淞滬鐵路。南昌九江間。則有南潯鐵路。此等鐵路。皆沿揚子江本支流大及運河而行。交通極利便。此外未竣工者。尚有安徽鐵路。川漢粵漢鐵路等。至大冶鐵路。萍鄉鐵路等。皆專爲運煤鐵而設者。其他尚有豫定各線。茲略之。

第二節 揚子江上流地方：四川省

甲 總說

【面積及人口】 本省面積一百二十九萬七千九百三十方里。人口約六千八百七十餘萬。面積之大。人口之多。十八省中無能出其右者。然人口雖多。以比面積不甚稠密。平均一

方里得五十三人強。

【名稱】 本省宋置益梓利夔四路。總曰四川路。故名四川。或云因境內有四大川而名。又因成都古爲蜀國地。亦稱蜀省。

【疆域】 本省北接甘肅陝西省界。東鄰湖南湖北二省境。西倚西藏高原。南臨雲南貴州二省。

【首縣】 本省首縣曰成都縣。在岷江流域。畧近本省中央。而偏於西。

【地方】 本省地方分五道。西北爲西川道。西南爲建昌道。南爲永寧道。東爲東川道。東北爲嘉陵道。轄縣凡一百四十六。

【形勢】 本省之地由赤沙岩高原而成。向東南傾斜。周圍有高山。最高峯在西部。漸東漸低。其間多河流。富灌溉之利。揚子江由西南向東北貫流省境。西南部高原地方。無水運之利。中部以下可通航運。匯入之支流亦多有航運之便。住民漢人占大部分。異種族亦不少。西方有西番。西南有獯獯。南方有苗族。生業中農最盛。工商居其次。要之四川面積之廣。人口之衆。實業之發達。誠爲我國獨一無雙也。

乙 自然地理

【地質】 本省中部有一大盆地。四周繞以高山。此地古爲湖澤。厥後漸次乾涸。遂成盆地。

土壤間多赤色及綠色沙岩。沙岩層頗厚。岷江與大巴山之間尤厚。其四周有太古代及古生代岩層（片岩片麻岩花崗岩等）此岩層太古時代當在湖畔。至後世因河水浸蝕。其東方之岩石遂深成河道。亦猶今之揚子江穿東方高原而過。而成三峽之險也。

【山誌】 本省山地占四分之三。赤沙岩平野僅占四分之一。茲將其山脈列舉於左。

（一）爲東北山脈。卽岷山及大巴山二山脈。盤結於本省與甘肅陝西湖北三省之間。自爲一系。皆崑崙山脈延長者。岷山山脈平均高度八千二百尺。大巴山脈平均高度一萬二千尺。兩山之間有嘉陵江。金牛道亦在此。爲本省與北區交通惟一之路。高於海面四千尺。

（二）爲西部山脈。卽由岷山分出之邛徠山脈。南走入建昌道。爲峨眉山。高一萬一千五百尺。爲本省第一靈山。山中多寺宇。四方來頂禮者甚衆。

（三）爲東南部山脈。位於揚子江之南方。高約六千尺。

以上三大山脈環繞之中。有赤沙岩盆地。此盆地以成都附近之平原。爲最著名。高於海面六百五十尺。以至于千九百尺。其間有高邱。因此分平原爲數小區。邱高約三百五十尺。以至二千尺。此平原間之有高邱。蓋由於土壤爲江河浸蝕之結果。其不能浸蝕之部分。巍然獨存。故成此高邱也。

【氣候】 本省氣候。視山地與高地而異。高地四周皆高山。故氣候溫和而多霧。山地氣候

雖佳。惟冬季較冷。高地因空氣潤濕及溫暖之故。適於農業。一年可收穫三次。又無北區及雲南高原所見之暴風。南部揚子江附近。溫度既高。兼之低濕。其氣候爲半熱帶的。農產物極易發育。且有種種熱帶物產。

【水誌】揚子江已詳第一編總論中。今就其支流述之如左。

(一)打冲河 在西南境。上流爲鴉礮江。東南流會安寧河。入揚子江。因貫流高地。谷深流激。無航運之便。

(二)岷江 一名汶江。又名大江。古來視爲揚子江本源。發源於岷山南麓。東南流納黑水河。再南流過茂縣至灌縣。分爲數支。至建昌道彭山縣北復合。於樂山縣城東納大渡河。雅河二流。再東南流。至宜賓縣城旁。入於揚子江。流長凡一千七百里。岷江之源。在高於海面一萬三千尺之高地。由此急流而下。故其上流無水運之便。至成都始可通小舟。樂山縣以下。可航行大帆船。大渡河之上流。爲大金川。小金川二流。大金川發源於大分水嶺。合梭磨河南流入川邊界。合小金川後。有大渡河之稱。河道多岩石。且多險灘。故水勢甚激。無航運之利。雅河雖較大。渡河爲小。然至宜賓縣。卽有水運之利。

(三)中江 一名沱江。發源於西川道北方。初與岷江聯絡。經資中縣至瀘縣東部。入於揚子江。自簡陽縣以下。有航運之利。附近平原。且受其灌溉。所益於農業不少。

(四) 嘉陵江 一名西漢水。發源於甘肅之東南。經陝西南入四川省。經閬中南充二縣。至巴縣城附近。入揚子江。流長凡千七百里。其支流則有白水江、涪江、渠河等。嘉陵江水運於嘉陵道之廣元縣以上。祇能通小舟。至東川道之合川縣以下。則大便利矣。支流涪江可得溯流至西川道之彰明縣。當漲水時。可達中壩。渠河上流。有數支流。舟運可至東川道之達縣。如上所述。嘉陵江之航運。頗極便利。故對於巴縣與本省東部及陝甘二省。皆以江爲輸出入貨物惟一之路。

以上四水。爲四川省之名之所由來。皆揚子江支流中之較大者。就中岷、中、嘉陵三江。經過之地。皆屬潤濕。故富水量。水勢既湍且激。又多險灘。溯航甚難。惟下水較易。以上諸水。除水運外。其流域之受其灌溉。亦有莫大利益焉。

(五) 橫江 以上諸水。皆在揚子江左岸。其右岸尚有若干支流。橫江卽其一也。發源於雲南之滇中道。經永寧道南。入於揚子江。距離雖不長。有航運之利。實四川雲南二省交通要道也。

(六) 敘永河 一名清永河。發源於敘永縣之西北。至納溪縣旁。入於揚子江。小船可逆流而上。抵敘永縣。

(七) 合江 一名赤水河。發源於雲南雄鎮縣東北。入敘永縣境後。稱九溪河。尋過貴州之

仁懷縣。於其間合馬過馬路二大流。至合江縣附近。入於揚子江。大船可抵貴州境太平渡。
(八) 烏江 一名黔江。又名涪陵江。發源於貴州貴西道威寧縣。下流至東川道涪陵縣附近。入揚子江。水路雖長。因由高原而下。故勢成爲峽江。兩岸皆山。平原甚少。河道因部分有低於兩岸二千三百尺者。一路多險灘。水勢雖急。然至龔灘。有水運之利。漲水時可抵貴州鎮遠道思南縣。川鹽運往貴州者。皆取道於此。惟因多灘。途中須換船數次。殊覺不便耳。水之深淺。視季節而異。有時竟差至六十尺。江中所用船隻。其式與他處異。此亦水勢使然也。揚子江支流。除上列者外。尚有許多河流。皆非重要者。茲略之。惟本省東部。尚有一流。曰龍潭水。沅江支流也。自龍潭鎮以下可行船。爲本省與湖南交通惟一水路。

【湖沼】

本省無大湖。惟西南部山地有水海、馬湖等若干小湖。茲畧之。

【動植物之分布】

本省動植物種類。較他省爲多。產額亦甚豐富。成都以東各地。蠶業甚盛。南部各地多飼蠟蟲。家畜如黃牛、水牛、小馬、豬、羊等。則無處無之。豚尤多。豚鬃爲本省輸出貨之一大宗。植物以竹及茶爲最多。水松、石楠、石叢等。多生於山地。松及其他樹木。各處雖皆有之。惟廣大森林甚少。又揚子江沿岸及其南部。因氣候炎熱。頗有熱帶植物。藤類尤多。蠟樹、樟、桐、漆、橘、柚之屬亦不少。近來且有以樟樹製樟腦者。藥材種類甚多。大黃爲最。以西川道東北平武縣等地野生者爲佳。

蠟蟲蠟樹 蠟蟲爲一種蟲昆蟲。樂山縣方面最多。其蟲樹曰冬青樹。又曰爆乾蚤。爲產於西昌等縣之常綠木。蠟樹爲似桑之喬木。樂山縣一帶最多。蠟蟲原爲沒石子。(幼蟲之集合物)每年四五月間。附着於蠟蟲上。幼蟲由寄生於沒石子之牛兒小蟲援助。而脫沒石子。漸次生長。蠶食樹葉。長大共分泌蠟於樹枝。其蠟集於樹枝之面。厚達二分。土人採之。集而爲塊。出售於市。是爲白蠟。和以牛脂。以製蠟燭。今樂山縣設有製蠟公司。

【鑛物】 本省鑛物種類及產量皆甚豐富。就中以鹽爲最盛。如永寧道富順縣之自流井。榮縣之貢井。犍爲縣之五通橋鹽井等。皆甚著名。此外如東川道之奉節雲陽二縣。及西川嘉陵各道皆產鹽。全省產鹽之縣。當在四十以上。產額約六億斤。鹽價約值八百萬兩。鹽稅約四百萬兩。金鑛多在西部及西北部。就中西川道之灌縣、安縣、平武縣及嘉陵道之昭化縣、并揚子江沿岸等處。多產金沙。建昌道冕寧縣之麻哈多金鑛。清時由四川布政使補助銀十萬兩。用新法開採。規模頗大。銀鑛如天全縣、蘆山縣、松潘縣、理番縣、懋功縣、茂縣、岷徠縣、灌縣、會理縣、越嶲縣、冕寧縣等處皆有之。惟產額不多。銅鑛如會理縣、西昌縣、鹽源縣、天全縣、名山縣、蘆山縣、榮經縣、馬邊縣、雷波縣、屏山縣、灌縣、彭縣等處皆有之。概用舊法開採製煉。出產未盛。鐵鑛如東川、嘉定、西川、建昌各道皆有之。就中以南川、綦江二縣爲最著名。此二縣及瀘縣、并沱江沿岸之治坊。皆取材於此。開採製煉。悉用舊法。鉛產於會理縣、冕寧縣、鹽源縣、越嶲縣、灌縣、茂縣、松潘縣、理番縣、懋功縣等處。亞鉛產於屏山縣、馬邊縣、會理縣。

冕寧縣、鹽源縣、越嶲縣、夾江縣、天全縣、蘆山縣、名山縣等處。概用舊法開採。硝石各處皆有之。以茂縣產者爲最。硫黃出廣元縣、南川縣及茂縣等處。南川縣產量最富。現歸政府專賣。全省需要之半額。皆仰給於此。硫化曹達產於彭山縣。石膏產於邛崃縣。綠礬產於江安縣及樂山縣。硬玉產於灌縣北部。石炭本省各處皆有之。東川、永寧、西川各道。雖有著名產地。而鑛層皆甚薄。故雖已開採。尙無成績可言。就中以嘉陵江沿岸及江北縣各鑛爲最有名。江北縣之龍王洞、金鋼背二鑛尤佳。龍王洞煤鑛。前由英人利脫爾開採。運銷湖北方面。後利脫爾因事將此鑛賣於英人馬鏗西（隆茂洋行）。清宣統二年。川人以二十二萬兩贖回。永川縣之老鷹巖、會龍溪二地之石炭亦著名。此外萬縣之大口、大坪、大竹縣之水草口、亂石渠縣之李波河、榮昌縣之木洞市、隆昌縣之龍市鎮、碗口山及榮昌威遠二縣并涪陵縣、屏山縣等。石炭鑛不少。石油產於富順縣、榮縣、蓬溪縣等處。惟產額不多。要之。本省鑛產之富。在中國可首屈一指。殆有無盡藏之觀。惟川人向以農業爲主。鑛物除鹽及煤稍行染指外。他鑛悉置之不顧。致令貨棄於地。未得利用。至近年始有注意於此者。使開採得法。誠中國一無盡之富源也。

丙 人文地理

【人口及住民】 本省人口。雖曰稠密。然多集住於中部平原。西部山地。則甚稀薄。故平均

計之。則不得謂之爲全國最高密度。住民漢族占大部分。異種族曰獯獯族。在建昌道方面。一名獯獯。又稱獯獯。或稱獯獯。或作蠻子。有生熟二種。生蠻概住於涼山山脈之山地。熟蠻與漢人雜居。此種族體幹長大。氣質慍悍。生蠻殆不受華官節制。有獨立狀態。屢與漢人衝突。又東南方近貴州方面有苗族人民。

本省漢人較他省微有不同。或具蒙古人體質。或具印度人體質。此殆由地居邊陲。漢人與異種族雜婚之結果。又本省漢人古來變動頗多。明末死於戰禍者約四分之三。厥後多由各省移民以實之。迄今巴縣附近紳士間尙有八省會之稱。已足見其祖先皆來自他省矣。據某氏之觀察。本省上中流漢人頗似緬甸北部及雲南邊境之卡丁人。面略帶三角式。眼大而斜。毛髮有光澤。身材短小。此或由於其上代混有卡丁血液也。本省東部之漢人多來自湖南者。氣質伶俐活動。雖有好鬪之癖。而有謙讓之美風。其人民移住於陝甘雲貴四省者不少。

其風俗獯獯苗族。各殊風氣。僻處山陬。專事牧畜。俗尙勇狠。漢人大都忍耐固執。具抵抗外人之特性。勤於耕作。善營生業。

【言語】 本省除獯獯外。概用西方官話。發音與北京話雖微有不同。解北京語者亦不難領解之。